

## Opitz, Martin: Sonnet an die Bienen (1624)

- 1 Ihr Honigvögelein/ die jhr von den Violten/
- 2 Vnd Rosen abgemeit den wundersüssen Safft/
- 3 Die jhr dem grünen Klee entzogen seine Krafft/
- 4 Die jhr das schöne Feldt so oft vnd viel bestohlen/
- 5 Ihr Feldt einwohnerin/ was wollet jhr doch holen
- 6 Das/ so euch noch zur Zeit hat wenig nutz geschafft/
- 7 Weil jhr mit Dienstbarkeit deß Menschen seit behafft/
- 8 Vnd jhnen mehrentheils das Honig müsset Zollen?
- 9 Kompt/ kompt zu meinem Lieb/ auff jhren Rosenmundt/
- 10 Der mir mein kranckes Hertz gantz jnniglich verwundt/
- 11 Da solt jhr Himmelspeiß vnd vberflüssig brechen:
- 12 Wann aber jemandt ja sich vnderstehen kundt
- 13 Ihr vbel anzuthun/ dem sollet jhr zur stundt
- 14 Für Honig Galle sein/ vnd jhn zu tode stechen.

(Textopus: Sonnet an die Bienen. Abgerufen am 23.01.2026 von <https://www.textopus.de/poems/10600>)